

KANTON SARAJEVO**SKUPŠTINA KANTONA SARAJEVO****NAROD I PRAVDA****Danijela Kristić, zastupnica****KJKP RAD****OPĆINA NOVO SARAJEVO****PREDMET: INICIJATIVA**

Zahvaljujem na dostavljenom odgovoru povodom zastupničke inicijative za rješavanje problema odlaganja komunalnog otpada u ulici Ćamila Sijarića.

Međutim, smatram da postojeći sistem odlaganja otpada putem PVC kesa ne predstavlja adekvatno niti dugoročno rješenje za problem na koji sam ukazala. Fotografije koje su dostavljene uz inicijativu jasno pokazuju da se na predmetnoj lokaciji formira nelegalna deponija, što potvrđuje da postojeći način prikupljanja otpada ne daje željene rezultate i da dovodi do narušavanja higijenskih i zdravstvenih uslova za stanovnike ovog naselja.

Razumijem izazove koje predstavljaju konfiguracija terena i ograničen pristup vozilima, međutim smatram da kao javno komunalno preduzeće nadležno za upravljanje komunalnim otpadom na području Kantona Sarajevo imate obavezu da, u saradnji sa nadležnim institucijama, pronađete održivo i efikasno rješenje za građane ove ulice.

Ukoliko je za realizaciju određenih aktivnosti potrebna saradnja sa Općinom Novo Sarajevo, predlažem da KJKP RAD i Općina zajednički koordiniraju potrebne mjere, uključujući nabavku i distribuciju PVC kanti ili druga odgovarajuća tehnička rješenja, kako bi se spriječilo dalje stvaranje nelegalnih deponija i osigurali primjereni uslovi za odlaganje otpada.

Molim da se predmetna inicijativa ne smatra okončanom te da KJKP RAD, zajedno sa Općinom Novo Sarajevo, razmotri i predloži konkretne mjere koje će trajno riješiti ovaj problem.

Sarajevo 17.06.2026.godine

Zastupnica u Skupštini KS

Danijela Kristić